

Safle Gwersylla a Charafannau

Rheolau a Rheoliadau

Rydym eisiau i bawb gael arhosiad diogel a phleserus ym Mharc Gwledig Pen-bre a gofynnwn i'n holl gwsmeriaid ddilyn y rheolau a'r rheoliadau hyn

Mae'r Rheolau a'r Rheoliadau hyn yn berthnasol i Garafannau Tymhorol, Carafannau Dros Nos a Gwersyllwyr oni nodir yn wahanol.

Amser Cyrraedd: O 1.00pm ymlaen

Amser Gadael: Cyn 12 canol dydd

Eich Cyfrifoldebau

Y sawl sy'n neilltuo lle sy'n gyfrifol am sicrhau bod pob aelod o'i grŵp, gan gynnwys unrhyw ymwelwyr, anifeiliaid anwes neu blant, yn cydymffurfio â'r rheolau a'r amodau neilltuo lle.

Gwnewch yn siŵr bod pob aelod o'ch grŵp yn gyfarwydd â'r rheolau safle hyn.

Methu â chydymffurfio â'r Rheolau

Bydd methu â chydymffurfio â'r rheolau a'r rheoliadau yn y daflen hon yn arwain at gymryd camau priodol, a allai gynnwys:

- A. Rhybudd llafar gan staff y Cyngor.
- B. Hysbysiad ysgrifenedig ffurfiol i adael y safle.
- C. Gwrthod neilltuo lle yn y dyfodol.
- D. Cyflwyno adroddiad ffurfiol i'r Heddlu.

Bydd y camau a gymerir yn adlewyrchu natur a difrifoldeb digwyddiad ac mae'n bosibl na fyddant yn dilyn y drefn a nodir uchod.

Ni fydd unrhyw un y gofynnir iddo adael **yn cael iawndal nac ad-daliad.**

Mae'r Cyngor yn cadw'r hawl i wahardd unigolion rhag defnyddio'r parc yn y dyfodol os yw cwsmer neu aelod o'r grŵp wedi torri'r Telerau, neu wedi peryglu llesiant a diogelwch ymwelwyr eraill â'r parc a'i staff.

Os bydd unrhyw gwsmer yn cyflawni unrhyw drosedd neu gamwedd yn y parc, mae'r Cyngor yn cadw'r hawl i wahardd yr unigolyn hwnnw o'r parc neu ganslo'r cytundeb iddo/iddi feddiannu'r safle. Bydd darpariaethau'r cymal hwn hefyd yn berthnasol lle na chyflawnir trosedd ond lle mae gweithgareddau fel achosi niwsans, aflonyddu domestig neu dwrw ac ati.

Mae'n rhaid talu am unrhyw ddifrod yn llawn cyn gadael y Parc.

Os na fyddwch yn symud eich carafán / cartref modur / pabell, bydd gan y Cyngor yr hawl i symud/storio'r cyfryw eitemau ac adennill y costau oddi wrthyhych. Ni fydd y Cyngor yn atebol am unrhyw anaf, ddifrod neu golled a achosir i unrhyw eitem o'r fath na'i chynnwys yn ystod y broses o'i symud a'i storio.

Cerbydau

Mae'n rhaid i chi roi manylion cofrestru eich cerbyd i ni. Caniateir dau gar yn unig fesul llain. Codir ffi ar geir ychwanegol yn ôl y gyfradd bresennol fesul nos. Mae'n rhaid i gerbydau ychwanegol barcio yn y manau parcio dynodedig ac nid wrth ochr carafannau a phebyll. Os nad oes lle yn y safle gweryslla, efallai fydd yn rhaid parcio yn y Parc Gwledig.

Gofynnir i yrwyr gadw at derfyn cyflymder o 5mya(8km/h) yn y safle gweryslla a 15mya o fewn ffiniau'r parc. Gwaherddir reidio beiciau modur a beiciau cwad oddi ar y ffordd yn llwyr o fewn ffiniau'r Parc. Efallai na fydd modd i faniau a cherbydau masnachol barcio ar y llain os ydynt yn tresmasu ar y parth diogelwch o 3 metr.

Mae gan y Cyngor hawl absoliwt i ofyn i unrhyw un adael y Parc ar unwaith.

Rheolau ein safle gweryslla

- Ein hamser tawel yw rhwng 10pm ac 8am a gwnewch yn siŵr nad yw unrhyw gerddoriaeth, sŵn teledu a chlebran yn tarfu ar wersyllwyr eraill.
- Rhaid peidio â chwarae pêl-droed/criced/tenis ac ati ar y safle gweryslla oherwydd y difrod y gallai hyn ei achosi i eiddo pobl. Beth am roi cynnig ar fadminton neu chwarae'r gemau hyn yn y parc.
- Rydyn ni wrth ein bodd yn gweld pobl yn beicio ac rydyn ni'n annog pawb i feicio mewn modd diogel a pheidio â'u reidio rhwng lleiniau eraill. Mae gennym ni hefyd lwybr pwmpio a'r Gylchffordd Feicio Gaeddig Cenedlaethol a thrac beicio hyfryd ar hyd llwybr yr arfordir.
- Ni ddylid cyflawni unrhyw waith hysbysebu na masnachu heb ganiatâd ysgrifenedig y Cyngor. Mae hyn yn cynnwys pob cerbyd.
- Mae'n rhaid i blant (o dan 16 oed) **BEIDIO** â chael eu gadael ar eu pennau eu hunain yn y parc neu'r Wersyllfa
- Peidiwch â gadael i blant chwarae o amgylch y tapiau dŵr, dŵr yfed ydyw ac nid ar gyfer llenwi balŵns dŵr, parchwch ein mesurydd dŵr hefyd a pheidiwch â golchi carafannau.
- Mae'n rhaid i'n holl ymwelwyr ymuno â ni yn yr ymgyrch i leihau gwastraff a gweithio tuag at gyrraedd ein targedau ailgylchu. Mae bwcedi wedi'u darparu ar gyfer pob llain i gasglu gwastraff sydd i'w ailgylchu (Dim gwastraff bwyd), a fyddech cystal â sicrhau bod y bwcedi hyn yn cael eu gwagio yn y prif safleoedd ailgylchu yn rheolaidd. Peidiwch â mynd â'r bwcedi hyn oddi ar y safle a gwnewch yn siŵr eu bod yn lân pan fyddwch yn gadael.
- Mae'n rhaid mynd â'r holl eitemau mawr yr ydych am gael gwared arnynt a'u gwaredu oddi ar y safle a pheidio â'u gadael yn y safleoedd biniau
- Ni chaniateir defnyddio e-sgwteri yn y parc neu'r safle gweryslla ar unrhyw adeg.
- Mae'n rhaid i wersyllwyr sicrhau nad oes unrhyw rwystrau ar y llwybrau a'r ffyrdd o ran cerbydau neu unrhyw bethau arall.
- Ni chaniateir defnyddio dronau, awyrennau model ac offer tebyg arall o fewn y safle gweryslla, na'r Parc.
- Mae'n rhaid i'r holl offer, fel dyfeisiau nwy a thrydan, cerbydau, offer gweryslla ac ati, a gyflenwir neu a ddefnyddir gan wersyllwyr gydymffurfio â deddfwriaethau a rheoliadau presennol a'r holl ofynion diogelwch.
- Ni chaiff unrhyw garafán/pabell ddangos unrhyw fath o hysbyseb, llun, poster na slogan heblaw am blaciau neu drosluniau'r gweithgynhyrchwr, ac eithrio gyda chymeradwyaeth ysgrifenedig ymlaen llaw gan y Cyngor.
- Cofiwch fod ymwelwyr eraill yma i fwynhau eu gwyliau, felly ymchwilir i unrhyw gwynion a wneir gan wersyllwyr eraill am iaith wael gan unrhyw un

Bloc Amwynder

- Cofiwch barchu ein cyfleusterau, rhaid i blant dan 10 oed fod yng nghwmni oedolyn.
- Peidiwch ag yfed/bwyta/ysmygu na fepio yn y cyfleusterau
- Ni chaniateir beicio yn y bloc amwynder

Anifeiliaid anwes

Mae croeso i gŵn, ond mae'r amodau canlynol yn berthnasol:

- Mae'n rhaid cadw cŵn ar dennyn bob amser o fewn y safle gweryslla ac o amgylch y bwyty.
- Peidiwch â gadael eich ci heb oruchwyliaeth am gyfnodau hir o amser.
- Mae'n rhaid i berchenogion cŵn sicrhau nad yw eu hanifeiliaid anwes yn aflonyddu ar ddefnyddwyr eraill y safle.
- Mae'n rhaid i faw damweiniol neu fel arall gael ei glirio ar unwaith a'i roi yn y biniau gwastraff cyffredinol a ddarperir.
- Os bydd ci'n cnoi unigolyn neu anifail arall, rhoddir gwybod i'r awdurdod priodol ac ymchwilir i'r mater yn unol â hynny.
- NI CHANIMATEIR cathod tŷ.

Ysmygu

Mae'r holl adeiladau yn y parc yn amwynderau dim ysmygu.

Sylweddau anghyfreithlon/Arfau ymosodol

Ni chaniateir i chi ddod â sylweddau anghyfreithlon nac arfau ymosodol i'r parc. Os darganfyddir neu ddrwgdybir bod gennych unrhyw sylweddau anghyfreithlon; caiff hyn ei riportio i'r Heddlu;

Plant ar Goll

Os bydd plentyn yn mynd ar goll, dylai rhieni neu warcheidwaid gysylltu â'r gwasanaethau brys os teimlant fod angen gwneud hynny. Cysylltwch ag unrhyw aelod o staff a fydd yn eich cynorthwyo hyd nes y bydd y gwasanaethau brys yn cyrraedd neu y deuir o hyd i'r plentyn.

Generaduron

Pan ddefnyddir generaduron petrol/diesel, mae'n rhaid iddynt fod o lefel desibel isel, o dan 60 desibel, ac yn addas i'w defnyddio ar safleoedd gweryslla/carafannau. Mae'n rhaid storio tanwydd mewn meintiau bychan ac mewn cynwysyddion bach a gymeradwyir at y diben hwn.

Gellir defnyddio'r generadur o bryd i'w gilydd ond mae defnydd parhaus ohono yn gyfyngedig i 2 awr ar un adeg, a dylid gadael bwch o 1 awr o leiaf cyn ei ddefnyddio eto.

Tanau/Barbeciwiau

Ni chaniateir tanau gwerysll agored ar unrhyw adeg yn y Parc a'r Safle Gweryslla. Caniateir barbeciwiau sy'n sefyll ar eu pennau eu hunain a phyllau tân bach cyn belled ag y bo ganddynt glawr amddiffynnol a giard o'u hamgylch i atal lludw rhag chwythu ac nad ydynt yn aflonyddu ar bobl eraill. Ni chaniateir i chi osod barbeciwiau na phyllau tân bach yn uniongyrchol ar y tir. Mae'n rhaid diffodd barbeciwiau a phyllau tân yn llawn ar ôl eu defnyddio a gwaredu'r lludw mewn cynwysyddion priodol ar y safle. Peidiwch â gwaredu lludw yn y perthi nac ar dir y safle gweryslla neu'r Parc Gwledig. Gwnewch yn siŵr eich bod yn gwaredu'r lludw yn y bae biniau canol ger y bloc amwynder mawr yn yr uned gwaredu barbeciw berthnasol.

Diogelwch Tân

NI chaniateir tanau agored o unrhyw ddisgrifiad. Bydd unrhyw un sy'n ymgymryd â gweithgareddau sy'n difrodi'r tir neu amgylchedd y Parc yn cael ei drin yn unol â'r manylion a amlinellir yn yr adran **DIFFYG CYDYMFFURFIO Â'R RHEOLAU**.

Caniateir pyllau tân sydd wedi'u gorchuddio, a wnaed at y diben hwn – sydd â chlawr rhwylllog, ac sydd oddi ar y tir, ar ôl iddynt gael eu gwirio gan wardeiniaid y safle gwersylla.

Mae tân gwyllt, lanternau Tsieineaidd neu unrhyw beth tebyg wedi'u gwahardd yn y parc a'r traeth.

Os bydd tân mewn carafán neu babell neu yn y bloc amwynderau:

- Gwnewch yn siŵr fod pawb yn gadael y man lle mae'r tân
- Seiniwch y larwm
- Ffoniwch y frigâd dân (999) o'r ffôn agosaf neu gan ddefnyddio ffôn symudol
- Gwrandewch ar yr holl gyfarwyddiadau gan aelodau staff a'u dilyn

Dylai defnyddwyr y safle ymgynnull yn y man ymgynnull dynodedig agosaf.

Cofiwch eich bod mewn ardal coetir sy'n tanio'n rhwydd iawn os yw'r amodau priodol yn bodoli. Dilynwch y Gweithdrefnau Tân a arddangosir o amgylch y safle gwersylla.

Os bydd y safle gwersylla'n cael ei wacáu, mae'n rhaid ichi ddilyn cyfarwyddiadau staff y Cyngor.

Defnyddio'r safle

Caniateir atalfeydd gwynt generig cyn belled â'u bod yn llai na 5 metr o hyd fesul llain, eu bod yn cael eu cadw ymhell oddi wrth leiniau cyfagos a'u bod yn cael eu symud pan nad ydynt yn cael eu defnyddio. Gellir rhoi caniatâd ysgrifenedig i garfannau tymhorol ar ôl i'r atalfeydd gwynt gael eu harchwilio. Mae'n rhaid i'r polion fod yn fetel, â phigyn sydd o leiaf 9 modfedd, gydag offer cynnal.

Caniateir 1 babell yn unig o fewn yr ardal llain ddynodedig.

Dim ond 1 adlen sy'n sownd i'r garfán a ganiateir fesul llain.

Mae'n rhaid i gwsmeriaid gadw eu llain a'r cyfleusterau'n lân ac yn daclus yn ystod eu harhosiad a gadael y llain a'r cyfleusterau yn eu cyflwr gwreiddiol.

Ni ddylai unrhyw garfán gael ei defnyddio fel lle cysgu ar gyfer nifer fwy o bobl ar unrhyw adeg nag y mae wedi'i chynllunio i'w lletya.

Caniateir dim mwy na 6 ymwelydd fesul llain ar yr un pryd. Mae'n rhaid i ymwelwyr dalu i barcio yn y cae gyferbyn â mynedfa'r safle gwersylla yn y parc gwledig.

Caniateir goleuadau ar bolion baner, ond mae'n rhaid eu diffodd erbyn 22:00 er mwyn peidio â tharfu ar wersyllwyr eraill.

Rheoli plâu

Os ydych yn ymwybodol o unrhyw fermin neu unrhyw nythod picwns, rhowch wybod i ni.

Rhoi gwybod am ddamweiniau ac argyfyngau

Rhowch wybod i staff y Ganolfan Ymwelwyr neu Warden am unrhyw ddamweiniau/digwyddiadau ar unwaith fel y gellir eu cofnodi a sicrhau bod camau priodol yn cael eu cymryd.

Defnyddio cyfleusterau ac amwynderau

Trydan

Y cwsmer sy'n gyfrifol am sicrhau bod y cebl trydan prif gyflenwad o'r man rhyng-gysylltu i'r uned yn ddiogel, a bod man rhyng-gysylltu eich gosodiad eich hun yn ddiogel.

Mae'r manau rhyng-gysylltu'n cydymffurfio â Safon Brydeinig BS EN 60309-2.

Os, am unrhyw reswm, bydd y cyflenwad trydan i'r man rhyng-gysylltu yn methu oherwydd bai'r Cyngor, lle bynnag y bo modd byddwn yn eich symud i lain arall. Ni fydd y Cyngor yn gyfrifol am unrhyw drydan a gollir sy'n gyfrifoldeb neu a achosir gan drydydd parti ac sydd y tu hwnt i'w reolaeth.

Gweithrediadau Glanhau

Arddangosir amserau glanhau arferol (yn amodol ar feddiannaeth a gweithrediadau). Pan fydd gwaith glanhau'n cael ei wneud, bydd drysau priodol yn cael eu cloi ac arwyddion yn cael eu harddangos. Cysylltwch â staff ein safle gwersylla os bydd angen rhagor o bapur tŷ bach arnoch rhwng yr adegau glanhau.

Tipio Anghyfreithlon

Ni chaniateir gwaredu beiciau, celfi nac eitemau trydanol. Gall unrhyw un sy'n gwneud hynny gael ei erlyn a'i ddirwyo am dipio anghyfreithlon. Cofiwch fynd ag eitemau mawr adref gyda chi i'w gwaredu

Sbwriel Cyffredinol

Mae'n rhaid rhoi sbwriel mewn bag a'i waredu yn y biniau a ddarperir. Caiff y rhain eu gwacáu'n rheolaidd. Peidiwch â gadael gweddillion bwyd 'allan i'r adar' oherwydd y bydd hyn yn denu fermin. Gwnewch yn siŵr nad ydych yn rhoi bagiau ar yr ochr, mae'n rhaid iddynt fynd yn y biniau cywir yn ôl yr arwydd.

Gwastraff Cemegol

Mae'n rhaid i'r holl wastraff tŷ bach cemegol gael ei fflysio i lawr pwyntiau gwastraff dynodedig Elsan. Peidiwch â rhoi unrhyw fath o weips gwlyb i lawr y rhain gan y byddant yn blocio.

Gwastraff Glanweithiol

Darperir biniau glanweithiol yn yr holl dai bach i fenywod ac yn y tai bach i bobl anabl o'r ddau ryw. Darperir biniau cewynnau yn y bloc tŷ bach ar gyfer newid cewynnau.

Adlenni

Os ceir tywydd gwael, bydd yn rhaid tynnu adlenni i lawr er mwyn osgoi difrod i'ch eiddo chi neu eiddo eraill.

Tîm Pen-bre

Parchwch holl aelodau'r tîm ar y safle gwersylla, y swyddfa ac yn y parc; ni fyddwn yn goddef unrhyw gamdriniaeth. Os oes gennych gŵyn, dilynwch ein polisi cwynion.

Materion Cyfreithiol

Difrod i'r Safle

Bydd unrhyw un sy'n cael ei ganfod yn difenwi neu'n achosi difrod i unrhyw adeiladau, offer neu eiddo yn y parc yn cael ei droi allan a'i erlyn ar unwaith. Bydd y sawl sy'n hurio'r llain yn gyfrifol am unrhyw ddifrod/toriadau/colled a achoswyd ganddo ef neu ei ymwelwyr i'r llain, unrhyw rai o gyfleusterau'r parc neu eiddo gwersyllwyr eraill, a chodir tâl arno ef am y cyfryw ddifrod/toriadau/colled. Bydd yr holl gostau'n cael eu codi ar huriwr y llain.

Pan fo eiddo gwersyllwyr eraill yn cael ei ddifrodi, bydd huriwr y llain yn gyfrifol am dalu'r gost honno yn uniongyrchol i'r gwersyllwr arall.

Colled, Difrod ac Anaf

Gadewir eich cerbydau, eu hategolion a'u cynnwys ar eich menter eich hun. Ni fydd y Cyngor, ei staff na'i asiantau yn atebol am golled neu ladrad unrhyw eiddo, na difrod iddo, tra ei fod yn y parc, nac am unrhyw anaf, damwain neu anffawd i unrhyw unigolyn yn y parc, oni bai yr achoswyd neu y cyfrannwyd at hynny gan unrhyw esgeulustod neu ddiffyg ar ran y Cyngor neu ei weithwyr. Mae'n rhaid i gwsmeriaid sicrhau bod eu heiddo'n ddiogel ac wedi'i yswirio'n llawn rhag unrhyw ddigwyddiad annisgwyl.

Caiff pob llain ei neilltuo ar gyfer y cyfnod a archebir yn unig ac ni fydd unrhyw hawl i ddeiliadaeth y tu hwnt i'r cyfnod hwn.

Amodau Neilltuo Lle

Mae'n rhaid i bob cwsmer gydymffurfio â'n hamodau neilltuo lle (y darperir copi ohonynt ar yr adeg neilltuo lle, ac sydd ar gael yn y Ganolfan Ymwelwyr).

Mae'r Cyngor yn cadw'r hawl i newid, addasu, ychwanegu at neu dynnu yn ôl y Rheolau a'r Rheoliadau hyn heb rybudd ymlaen llaw.


Rhifau Ffôn Defnyddiol:

Canolfan Ymwelwyr Parc Gwledig Pen-bre	01554 742435
Warden ar alwad – Ar gyfer argyfyngau yn unig rhwng 20:00 a 08:00	07795 646322
Gorsaf Heddlu Porth Tywyn	01267 222020
Ysbyty Cyffredinol Glangwili, Heol Dolgwili, Caerfyrddin SA31 2AF (Damweiniau ac Achosion Brys 24 awr)	01267235151
Galw Iechyd Cymru	0845 46 47

Mewn argyfwng, neu os bydd tân, neu argyfwng meddygol, ffoniwch 999

Parc Gwledig Pen-bre

Pen-bre, Llanelli, Sir Gaerfyrddin, SA16 OEJ

 01554 742435

: camp Pembrey@sirgar.gov.uk